

Pleiv sogn Gions Mustér

Rapport da gestiun 2011



Impressum

Editura: Pleiv. s. Gions Mustér

Ediziun: 1000 exemplars

Fotografia 1. pagina: baselgia da Cavardiras (G. Tenner)

Stampa: La Tuatschina, Sedrun

© 2012 Pleiv sogn Gions Mustér

Invitaziun alla radunonza generala dalla Pleiv sogn Gions/Mustér

*venderdis, ils 27 d'avrel 2012 allas 20.15 uras,
en halla communal a Cons/Mustér*

Tractandas:

1. Beinvegni ed elecziun da dus dumbravuschs
2. Protocol dalla davosa radunonza generala dils 13 da matg 2011
3. Revisiun ed approvaziun dalla constituziun dalla Pleiv sogn Gions
4. Fusiun caplania Cavardiras cun Pleiv sogn Gions
5. Elecziuns:
 - a) ugau-baselgia Cavardiras
 - b) commembers dil cussegl pastoral
6. Rapport dil president dalla pleiv
7. Rapport dil cussegl pastoral
8. Rapport dil president dalla caplania Segnas
9. Rapport da quen: baselgia Sogn Gions
10. Rapport da quen: baselgia Cavardiras
11. Rapport da quen: pervenda Sogn Gions
12. Rapport dils revisurs da quen e scarica alla suprastonza
13. Damonda da credit per la sanaziun dall'orgla Segnas
14. Preventivs e fixar il pei da taglia
15. Adattaziun dil regulativ d'indemnisaziun dalla Pleiv sogn Gions
16. Orientaziuns
17. Undraziuns
18. Varia

La suprastonza porscha a mintgina e mintgin alla fin dalla radunonza in sempel refrestg.
Cordial invit a nossa radunonza generala.

Per la suprastonza dalla Pleiv sogn Gions/Mustér:

Il president:

Linus Maissen

La vicepresidenta:

Jris Lombris

Protocol

*dalla radunonza generala dalla Pleiv sogn Gions/Mustér,
venderdis, ils 13 da matg 2011, allas 20.15 uras en halla Cons, Mustér*

„Tems e peda“ – sut quei motto tschenta il president Linus Maissen la radunonza generala. Era sche negin ha pli peda ozildi, quella peda pren el questa sera e fa ina cuorta meditaziun culs presents.

Silsuenter beneventa el tuts presents cordialmein ed engrazia ch'els han priu peda oz pils fatgs da nossa pleiv. Biars dils presents ein s'engaschai e s'engaschan adina puspei per nossa pleiv.

1. Giusep Berther e Sabina Manetsch vegnan numnai ed elegi sco dumbravuschs.

2. Il protocol dalla davosa radunonza generala vegn approbaus senza objecziuns cun engraziar all'actuara.

3. Siu rapport entscheiva il president culs cavazzins *admiraziun e consternaziun*.

Tuts che s'engaschan en nossa pleiv, seigi davon ni davos las culissas, els meretan gronda atenziun ed admiraziun, las rodas dalla pleiv van cun gronda precisium e tuttas persunas engaschadas fan excellenta lavur. La pastoraziun funcziunescha grondius aschibein a Mustér, mo era a Segnas e Cavardiras.

La baselgia dad oz ei denton buc pli egl equilibr. En siu rapport a scret ha il president menziunau quei denter las lingias. Nies uestgiu conservativ auda buc il resun dallas pleivs. La consternaziun ein las baselgias vitas. Da Dumengi'alva e fiastas pli grondas ei la baselgia aunc fullanda, tgei denton las autras dumengias?

Igl anteriur vicari general Andreas Rellstab ha viu ils problems e leva modernisar nossas pleivs. El ei denton buc vegnius sustenius avunda ed ha abdicau sco vicari general. Pil mument savein nus buc co ei va vinavon en nossa diocesa, resp. en nossas pleivs. Cun sur Alexi Manetsch havein nus denton in spiritual che muossa ina clara lingia viers tuttas refuormas conservativas e nus sperein ch'el resti aunc ina retscha onns nies plevon.

Linus Maissen supplichescha ils presents da sesalzar en in cuort memento pils defuncts da nossa pleiv. Silsuenter appelescha e supplichescha el mintgin/a da far patratgs co activar nossa pleiv.

Alla fin engrazia el a ses consuprastonts che han priu giu dabia lavur ad el.

4. Per buca repeter ils plaids dil rapport a scret serestrenscha la presidenta dil cussegl pastoral, Laurenzia Cajacob sin duas activitads: Ella menziunescha il recav da frs. 2'350.- dil di da suppa. La participaziun ei buc stada schi gronda sco auters onns, demai che quella dumengia han aunc giu liug ulteriuras occasiuns. Ella engrazia a tuts sponsurs sco era a tuts che han susteniu quella caussa en favur da concarstgauns basignus. Ella engrazia era per l'unfrenda da Cureisma che ha purtau tochen oz frs. 5'170.-, quei senza las unfrendas a Segnas ed en claustra e senza las donaziuns fatgas directamein cul schec da pagament sin posta.

Suenter in engaschi da 12 onns remetta Laurenzia Cajacob cun questa sera siu post da presidenta dil cussegl pastoral. Adina ha ella astgau retscheiver bia sustegn ed agid da tuttas varts. Ils onns el cussegl pastoral han purtau ad ella bia satisfacziun e plascher ed ella spera fetg ch'ei reusseschi alla pleiv da recaltgar novas forzas eifer sias retschas.

Ella concluda siu rapport culs plaids:
„Pussonzas buntadeivlas cuarclan nus
Perquei spitgein ruasseivels gl'avegnir
Dieus ei la ser'e la damaun cun nus
Segir è mintga di ch'ha da vegnir“

5. Il president dalla caplania Segnas rapporta davart il decuors dalla radunonza generala dalla caplania da Segnas che ha giu liug ils 21 d'avrel.

A quella radunonza ha el astgau beneventar dapli personas che usitau, denter auter era il president dalla Pleiv sogn Gions. Igl ei vegniu rapportau davart il curriu e passau, davart las difficultads d'anflar in caluster/ina calustra, lu era orientau davart la sanaziun dil tetg dalla casa pervenda. Ins ha discussiunau igl avegnir dalla processiuin da s. Roc. Ei fuss donn sch'ils vischins da Segnas stuessen schar curdar quei usit che vegn fatgs dapi 1638 cun ina suletta interrupziun. Ils parochians han il giavisch da far la messa dalla dumengia gia allas 09.30, quei duront il temps da stad. Quei giavisch vegnius realisau. Alla fin da siu rapport engrazia Gion Tenner a tuts per lur sustegn ed engaschi, oravontut alla suprastonza dalla Pleiv sogn Gions per la buna collaboraziun.

6. Il tetg dalla casa pervenda da Segnas basegna ina sanaziun. Ina nova cuvrida da tievlas ei necessaria. Las tievlas secumportan era cun ils objects ella vischinonza. Medemamein ei ina isolaziun dil tetg prevedida. Il cantun sustegn la sanaziun pli probabel cun frs. 6'000.- Per quella sanaziun damonda Willi Lozza ils presents in credit da frs. 38'000.- Il credit vegn concedius unanimamein.

7. Il quen dalla baselgia s. Gions siara cun in surpli d'entras da frs. 9'450.-

Igl ugau baselgia Claudius Berther engrazia a tuttas calustras per lur grond engaschi igl

onn vargau. Vinavon engrazia el allas calustras partentas ed engrazia a lur successurs per la promptad da surprender quellas incaricas.

Il quen dalla pervenda s. Gions siara cun in surpli d'entradas da frs. 3'370.-

Willi Lozza, igl ugau pervenda nezegia la caschun e fa amogna als parochians da cumprar la parcella a Sontget. Sin ina biala surfatscha da 658 m² (aua, canalisaziun, electricitad, telefon etc. ein gia avon maun) savess ins ereger in grond e bi object. Linus engrazia als dus cassiers sco era a tuts ugaus per lur lavur grondiusa ed exacta e dat liber la discussiun. Negin en sala ha damondas.

8. Francestg Cajacob rapporta en num dils revisurs. El e Roger Sac han repassau tut ils quens dallas baselgias e capluttas ella seduta dils 18 da fevrer 2011 e san attestar lavur minuziusa e grondiusa da tuts ugaus. Ils revisurs proponan als presents d'exprimer in meritau engraziament alla suprastonza, als augsegners ed a tuts ugaus per lur nunstunclenteivel engaschi. Ils quens vegnan approbai dils presents cun in cauld engraziament als cassiers.

9. La vicepresidente ed actua Jris Lombris stat per la davosa gada a disposiziun per ina perioda da treis onns. Igl ugau pervenda Willi Lozza ei medemamein prompts da star a disposiziun per in'ulteriura perioda. Omisdu vegnan elegi unanimamein per treis onns.

Franzestg Cajacob ha abdicau suenter esser staus 15 onns revisur da quen. Sco nova revisura propona la suprastonza dunna Catrina Berther. Roger Sac e Catrina Berther vegnan reelegi, resp. elegi per ina perioda d'uffeci da treis onns.

Commembers dil cussegl pastoral: abdicau ha la presidenta Laurenzia Cajacob, ils auters commembers restan fideivels al cussegl pastoral. Nus vein deplorablamein buc anflau inA successurA sco menader/menadra dil cussegl pastoral. Ord il miez dils presents negin che s'annunzia, aschia che nus stuein schar vacant il post da menader/menadra dil cussegl pastoral. Ermelinda Casanova ha abdicau sco actua dil cussegl pastoral, segida denton vinavon el cussegl. Willi Lozza ei prompts da surprender quei post.

A tuts elegi, resp. reelegi cordiala gratulaziun e grond engraziament.

10. Il preventiv dalla baselgia siara cun in mudest surpli da frs. 500.-, il preventiv dalla pervenda siara cun in surpli d'entradas da frs. 1'160.-. Il pei da taglia duei restar sin 12%. Omisdu preventivs sco era il pei da taglia vegnan approbai sco proponi.

11. La suprastonza damonda ils presents la plenipotenza pil futur dalla caplania Cavardiras. Il Corpus catholicum ha gia lubiu ina fusiun culla Pleiv sogn Gions. Igl uestgiu da Cuera

sto aunc lubir quella fusiun. Aschispert che quella lubientscha ei plidada propona la suprastanza d'eleger ina cumissiun che reveda la costituziun vertenta dalla Pleiv sogn Gions cull'integraziun dalla caplania da Cavardiras. Culla plenipotenza dalla radunonza generala sa la suprastanza prender enta maun ton pli spert quella caussa.

Senza discussiun vegn quella plenipotenza approvada dils presents.

12. Il niev vicari general senumna sur Andreas Fuchs.

Cun igl onn 2012/2013 duei vegnir introduciu el scalem ault il niev model 1:1, vul dir in'ura ductrina ed in'ura etica en mintga classa.

La homepage dalla pleiv ei vegnida surluvrada ed actualisada da nies consuprastont ed allrounder Gion Tenner. Leu vegn era publicau mintg'jamna las indicaziuns dil Fegl official ed ils mortoris.

13. Suandontas persunas vegnan undradas cun engraziament ed in pign present:

Franzestg Cajacob (15 onns revisur)
Sora Beatrice Desax (50 onns profess)
Sabina Manetsch (calustra a s. Gada)
Margreta Desax (calustra a s. Placi)
Barla Tönz (calustra a Mumpé Tujetsch)

Laurenzia Cajacob (12 onns cussegl pastoral) survegn ina sculptura dall'artista indigena Regina Giger-Caminada. Cunquei che l'artista ei era presenta e declara ella gest senza la muntada da quella sculptura che porta il num „La mumma en mei.“

A tuts undrai engrazia il president aunc inaga per tut engaschi en favur da nossa pleiv

14. Ingrid Flepp pren il plaid e fa curascha da surprender in pensum en pleiv.

Linus Maissen orientescha che la pleiv festivescha ils 2 da zercladur 2011 la fiasta da 40 onns sacerdozi da nies augsegner Alexi Manetsch. El engrazia aunc a dunna Patrizia Cabernard che abdicau definitivamein sco menadra dil „Salid dil Segner“.

Vinavon engrazia el alla vischnaunca ed als pedels per saver far diever oz dalla halla, mo oravontut all'unium da puras pigl apero ch'ellas han semtgau. El spera che nus hagian uss tuts in tec peda da star in mument ensemen da cumpignia.

Mustér, entschatta zercladur 2011
Jris Lombris-Manetsch, actuara

Rapport dil president dalla Pleiv sogn Gions

Las tendenzas conservativas ella baselgia universal catolica ed en nossa diocesa ein buca semidadas bia, pertgei il centralissem da Ruma e da Cuera semanifestescha pli e pli fetg, aschia era ellas brevs pastorals da nies uestg. Da l'otra vart bandunan (ston bandunar) spirituals cun in spért pli aviert per la comunicaziun e collaboraziun cun la basa, per refuormas tenor il davos concil ni per in'avischinaziun all'ecumena, lur posts ella diocesa ed ils posts vegnan occupai entras persunas pli serradas.

La pleiv S. Gions para buca dad esser tangada directamein ni pli fetg da quei svilup, denton quella situaziun paralisescha nossa cumunionza catolica internein demai ch'ei dat negin fil viers Cuera e quei stinschenta tutta fidonza. Atgnamein trest, vesend la fideivladad dallas parochianas/dils parochians che semuossa en ina buna activitad a caschun da messas, fiastas da baselgia, ell'instrucziun religiusa, ... ed en biaras famiglias.

La pastoraziun

Nos dus augsegners en uffeci ed ils numerus gidonters spirituals adempleschan lur incumbensas exemplaricamein. Nies plevon sur Alexi Manetsch s'engascha cumpleinamein per la pastoraziun e quei cun sia lingia clara viers tuttas refuormas restrictivas, era suenter siu giubileum da 40 onns sacerdot. La pleiv ha festivau ils 5 da zercladur 2011 quei punct culminont da sur Alexi e quei cun in bi survetsch divin embellius specialmein dil chor baselgia, dils affons dil Salid dil Segner e dils Movis, pia cun segns d'engrazieivladad e silsuenter cun in aperitiv cun l'entira pleiv. Sin siu giavisch ha ina digna festivitad en in pign cerchel dalla pleiv, ensemen cun ses fargliuns enramau la part profana. Era sche sur Alexi ha demissiunau per la fin october savein nus mo engraziar ad el sperond ch'el resti sauns e suenter igl october 2012 aunc ina roscha onns in bien gidonter.

La prestaziun admirabla da sur canoni Pius Venzin mereta fetg grond respect, sperond ch'el sappi pastorar vinavon, e quei en buna sanadad, la caplania da Segnas e segidar tenor sias forzas sch'ei fa basegns.

Resumond sai jeu dir che sin fundament digl engaschi da nos dus augsegners e da tut ils auters gremis dalla pleiv, buca il davos dalla buna lavur da nossa secretaria, savein nus registrar cun satisfaziun ed engrazieivladad il success dalla lavur pastorala ensemen cun spirituals pensiunai. Prestaziuns admirablas – engraziel fetg e vinavon mo il meglier e la benedicziun dil Tutpussent.

Il futur da nossa pleiv, mo era da tuttas pleivs vischinontas, vegn ad esser in dira nuscha da smaccar. Inagada pertuccont l'occupaziun da nossa pleiv cun in augsegner romontsch da spért aviert per ina Baselgia cartenta catolica che corrispunda ad in cristianissem dil

21avel tschentaner, da l'otra vart pertuccont ils uffecis enteifer la pleiv. Buca il davos vegn il spért modern a caschunar gronds fastedis – mo quels ein buca sliigiabels entras vuler far ir la roda anavos el temps d'avon 50 e varga onns!

Nos defuncts

Buca meins che 22 gadas ha igl aunghel dalla mort spluntau per ina parochiana u per in parochian. Tuts han fatg il viadi vi ella perpetnadad cun terminar cheu sil mund igl agen pensum. Il grond pievel da sepultura ch'accumpogna mintgamai ils defuncts/las defunctas ei ina manifestaziun da cardientscha che dat sustegn allas famiglias en malencurada. Esser cheu sco parochiana ni parochian per nossa pleiv, per nossas caplanias ei gia da grond meret ed havess il dretg da vegnir menziunau specialmein. Sco responsabels dalla pleiv lessen nus perquei exprimer in engraziel a tuttas ed a tuts cun enserrar tuts survetschs pigns e pli gronds. Cu l'activitad per la pleiv ni caplania cuoza in decenni e dapli s'auda ina menziun persunala el rapport dalla pleiv. Quei vala uonn per Victor Durschei-Casanova e per pader Ambros Widmer da nossa claustra. Lur ovras persunalas che cumpeglian ina vasta paletta da prestaziuns ein vegnidas descrettas ella pressa romontscha. Per la pleiv ni per las duas caplanias han omisduas personalitads dalla annada 1917 fatg numerus survetschs. Victor Durschei ei s'engaschus varga 15 onns sco dirigent dil Chor baselgia Segnas, mo era sco organist ed ha embelliu cun tutta pumpa sur liung temps survetschs divins e perdanonzas, mo era fiastas profanas. Pader Ambros ha sco caplon da Cavardiras pastorau "sia caplania" cun siu spért benedictin examplaricamein ed el ha sco "nies pader" segidau silsuenter adina puspei ella pastoraziun, aschia era duront dus onns a Segnas. Els ein duas personalitads marcantas e renconuschidas lunsch entuorn che han schau avnos fastitgs da gronda muntada per nossa pleiv, per nossa vischnaunca e per nossa regiun. Detti Dieu la bein meritada pagaglia en tschiel. Possien tuts defuncts e tuttas defunctas ruassar en pasch.

Igl onn ecclesiastic ella pleiv

Las festivitads dalla baselgia parochiala, en special la Dumengia alva e las pardanzas da s. Gion Battista e dallas caplanias da Segnas e Cavardiras, sco era las festivitads en claustra han giu liug el ritmus da mintg'onn. La veta religiusa da nossa pleiv ei d'immensa muntada, buca il davos era per la cuminonza da vischnaunca. Igl engaschi dils chors baselgia, dalla societad da musica, dall'uniun da giuventetgna sco era dallas autras uniuns ei zun legrevels, era sche tuts han da sbatter per saver ademplir quella incarica. Dalla vart dalla peiv s'auda in duiv engraziament sperond sin ina buna cuntinuaziun. L'impurtonza dalla collaboraziun cun la claustra vegn savens sutschazegiada, era sch'ella ei stada sco els davos onns fetg fritgeivla - in bien spért da sustegn vicendeivel che dat forza ad omisduas cuminonzas.

Aunc inagada lessel far in compliment cun accentuar il bien spért ed igl interess respectabel che regia en pleiv per ils survetschs divins dalla dumengia, dallas fiastas

ecclesiasticas e per las sepulturas, denton far attents che era quel mondi mintg'onn anavos e che autras activitads religiusas stoppien vegnir reponderadas gia oz seriusamein.

La fusiun dalla caplania da Cavardiras ei preparada ed il niev sistem funcziuna bein, Laschia che quella sa vegnir sigilada primavera proxima dalla radunonza generala. Bien engraziament alla suprastonza che ha administrau la caplania da Cavardiras tochen fin settember, en special a dunna Christine Labas.

Lein sperar che l'instituziun Pleiv sogn Gions cun tut ses bratschs sappi porscher cun tuttas activitads, en special cun survetschs divins e devoziuns, inslas da ruaus e da reflexziun e quei el spért da nossa religiun cristiana.

Engaschis en la peiv

Igl engaschi e la fideivladad dallas collaboraturas/dils collaboraturs en nossa pleiv ein exemplarics. Jeu patratgel cheu vid las varga 80 persunas che lavuran per la pleiv e che s'organiseschan per fetg gronda part a moda autonoma e prestan grondiusa lavur. Bugen fetgel attent sin las contribuziuns specificas dils gremis en quest rapport. En special lessel menziunar la gronda lavur zuppada da numerusas gruppaziuns naven dil retscheiver la bara, rusaris da morts, ordinaturs da sepultura, organists/organistas, calustras ch' embelleschan cun speciala atenziun ils sanctuaris e quei mintgamai tenor las fiastas ecclesiasticas el vitg ed els UCLAUNS.

E danunder vegnan las activitads dalla gruppa "Salid dil Segner", dils ministrants/las ministrantas e dallas lecturas e.a.v. ? – Tut sto vegnir scolau ed organisau.

E co stat ei cun acziuns specialas sco lavar ora la baselgia parochiala s. Gions e tut las autras baselgias e capluttas? Era cheu drova ei l'organisaziun dall'uniun da dunnas ni dils responsabels els UCLAUNS. La tscheina communabla dall'entira pleiv duei esser in segn d'engraziament, mo duei era mussar che la pleiv ha bien quitau da nos baghetgs sacralis e duei secapescha era animar da turnar l'auter onn. Quella tenuta semuossa era els rendaquens dils ugaus baselgia e caplutta – tut vegn manteniu e tgirau cun gronda atenziun.

Jeu sai pia mo exprimer mia admiraziun ed il duiv engraziament schend: Era uonn ein las rodas dalla pleiv idas vinavon cun gronda precisium. La suprastonza spera era el futur sin quellas «bunas olmas» ch'animeschan entras lur exempel novas persunas da s'engaschar. In grond «Dieus paghi» a tuts ed a tuttas che termineschan lur activitad ni che restan vinavon a disposiziun.

Pilasters da cantun per mintga cristian

Il s. sacraments cul s. batten, culla emprema s. communiun, s. creisma, lètg,.. ein da gronda muntada per mintga catolic e vessen dad esser ina petga/pilasters da cantun e

buca ina grevezia.

Igl onn vargau han 18 affons retschert il sacrament dil s. batten e 17 l'emprema s. communion.

El temps dad oz nua ch'igl interess per la baselgia, la messa vegn pli e pli pigns ed ils exempels en ed ord famiglia svaneschan pli e pli fetg, daventa il pensum per l'instrucziun religiusa pli e pli pretensius. En la scola da Mustér vegn instruiu ductrina en tuttas classas e purschiu ina instrucziun religiusa adequata a nies temps, tschentond in bien fundament religius per la veta futura cristiana dils affons e quei cun svegliar aschi bein in spért da convivenza e principis etics, sco era religius cristian catolics.

Cun la fin digl onn da scola termineschan gest treis catechetas lur pensum: Martina Gienal, Cecilia Flepp ed Ingrid Flepp. Duront in engaschi per part sur plirs decennis ei igl arcun buca mo tgemblaus dall'instrucziun en pliras classas, mobein era da numerusas activitads sco preparaziun per la penetienza, la communion e la creisma sco era per numerusas messas da scola ed autras devoziuns. Possien tuts merets esser nudai cun grossas lettras el grond cudisch dil parvis e sutlingiar nies « Dieus paghi »!

Engraziament

Miu entir rapport ei in segn da renconuschientscha e d'engraziament viers tuts engaschis naven da sur Alexi e sur Pius tochen tier ils gidonters/las gidontras davos las culissas. Tut laud ed engraziament vegnan da cor.

Jeu less denton allegar la cuminonza da tuttas parochianas e da tuts parochians che separticipeschan alla veta religiusa en pleiv e caplania cun assister allas s. messas ed allas autras purschidas dils gremis menziunai. Persuenter lessel admetter in duiv Dieus paghi, sperond che nossa cuminonza resti activa era el temps dil desinteress per la religiun en general, mo era per nossa baselgia catolica.

In duiv e profund engraziament admittel all'entira supraponza che ha luvrau puspei cun gronda cumpetenza autonoma en tuts ressorts. En special menziuneschel la lavur da nies ugau parvenda Willi Lozza che ha fatg dapi igl october era tutta lavur a Cavardiras ed era la lavur supplementara da nossa secretaria per encurir substituziuns per messas e sepulturas.

La veta da pleiv sco cuminonza sa mo exister cul sustegn da bia mauns e quei ha la Pleiv sogn Gions. Per tut quei agid moral e finanziar, mo era per tutta collaboraziun naven dalla claustra, vischnaunca tochen tier tut ils gremis seigi engraziav da cor.

*Per la supraponza dalla Pleiv sogn Gions
Il president: Linus Maissen*

Rapport dil cussegl pastoral dalla Pleiv sogn Gions

Preziadas parochianas, preziai parochians

Presidenta Laurenzia Cajacob ha suenter esser stada engaschada plirs onns el cussegl pastoral remess siu uffeci cun la fin da matg. Per tut siu engaschi duront tons onns lessel jeu engraziar ad ella en num da l'entira pleiv. Ei fa grond plascher ch'ella s'engascha vinavon ella gruppa da lecturas.

A caschun dalla davosa radunonza dalla Pleiv sogn Gions ei il post pil presidi dil cussegl pastoral, muort munconza da persunas che stattan a disposiziun, buca vegnius occupaus. La suprastonza dalla pleiv ei ladinamein semessa alla tscherca d'ina presidenta ni d'in president denton giu mo pign success. Giuli Maissen ei cuortamein s'engaschaus. El ha denton deplorablamein buca surpriu l'incarica. Aschia hai jeu sco vicepresidente surpriu ad interim il pensum. Cugl agid dils commembers dil cussegl pastoral, dalla suprastonza, denton buca il davos cun vies agid sesprovel jeu d'exequir quei uffeci schi bein sco pusseivel.

Cun grond plascher rapportel jeu sur dallas occurrenzas succedidas:

Cerchel liturgic

Nossadunna da candeilas

Sco mintg'onn ha in pulit diember da parochianas e parochians priu part all'usitada processiu naven dalla casa da scola en claustra per assister - ensemen cun il convent claustral - alla sontga messa. Ina biala processiu che nus lein mantener e promover vinavon.

Unfrenda da cureisma

L'unfrenda da cureisma vein nus rimnau la dumengia da palmas. Ella ha purtau la biala summa da frs. 5.170.30. A tuts donaturs in grond engraziament persunter.

Aperos

Igl usitau apero da dumengi'alva sco era igl apero a caschun dalla festividat da 40 onns spiritual da sur Alexi ein aunc vegni organisai, ensemen cun il cerchel social-caritativ, da nossa valenta presidenta Laurenzia Schnoz. Grond engraziament persunter.

Di da suppa

Il di da suppa tradiziunal ha giu liug ils 10 d'avrel en halla Cons. In mudest diember da participonts ha priu part. Era cheu admittel jeu in grond engraziament agl entir cussegl pastoral cun sia presidenta Laurenzia Cajacob per la gronda organisaziun e lavur prestada.

Rogaziun federala

La grupp da devoziuns cun las lecturas Laurenzia Gadola ed Jris Lombris ha procurau per ina devoziun commuentonta en claustra. La devoziun ei vegnida preparada da nies president dalla pleiv Linus Maissen.

Devoziun ed uncziun per nos seniors/as

Nies bien pader Johnson ha preparau ina biala devoziun e dau bia forza a nos seniors/as pigl avegnir. In grond diember ha priu part.

Messa da sogn Hubert

La biala messa da sogn Hubert ha giu liug ils 5 da november. Ensemen cun pader Johnson, la secziun da catschadurs Péz Alpetta e naturalmein ils sunacorns Badus ha la messa giu sco mintg'onn ina tempru tut speciala. Ils bials tuns sonors ord las tibas dils musicants han delectau nos cors. Igl aperitiv en halla Cons ha silsuenter dau forza e buna luna per in u l'auter discuors.

Salid da Nossadunna

La grupp da devoziuns ensemen cun biaras parochianas e biars parochians en malencurada ein seregurdai ils 13 da november da tut nossas defunctas e nos defuncts digl onn.

Adoraziun tgeua

In grond diember da nossa pleiv serenda onn per onn en baselgia per envidar ina candeila e per seprofundar en l'oraziun. Quella adoraziun ha giu liug l'emprema dumengia d'advent ils 27 da november.

Survetsch divin da Sontgaclau

La viseta da Sontgaclau ha priu sia entschatta en baselgia tier in survetsch divin festiv ils 3 da december. Numerusas suitas han priu part alla sontga messa. Ina biala cumparsa fa medemamein la gronda presenza ch'ei da veser onn per onn ella nav-baselgia.

Cun susteniment, plaid e cussegl segida il cerchel liturgic adina tier nossas fiastas ecclesiasticas. La grupp da devoziuns cun sora Beatrice Desax, Laurenzia Cajacob, Laurenzia Gadola ed Ingrid Flepp organiseschan pliras devoziuns tenor igl onn ecclesiastic. Ils menaders dils rusaris da morts: Laurenzia Cajacob, Rita Furger, Laurenzia Gadola, Catarina Steger e Benjamin Schuoler meretan in grond compliment ed engraziament pigl engaschi. La devoziun commuentonta che la grupp *Retscheiver la bara* fa levgiescha cor ed olma alla famiglia en malencurada. Alla grupp cun Laurenzia Cajacob, Agnes Deflorin, Marcellina Giger e Laurenzia Schnoz seigi engraziau zun fetg persuenter.

La grupp “Salid dil Segner”

La responsabla dalla grupp Corina Defuns rapporta:

Cun plascher, atenziun e premura separticipeschan biars affons allas devoziuns preucaristicas. Uonn ein historias ord la bibla stadas el center dallas devoziuns.

Noah e l’arca, la scaffiziun, Jona e la balena, Jesus da Nazaret, Jesus el tempel e co Jesus muossa da far l’oraziun dil Bab nos ein stadas historias che han tschaffau ils affons. Il cudischet che accumpogna mintg’affon tras las devoziuns ed a casa, vegn mintgagada cumpletaus cun ina carta d’oraziun, cun canzuns e cun maletgs.

La devoziun da Nadal en baselgia ei danovamein vegnida organisada cun la grupp da termagliar Artgin e cun nies plevon sur Alexi. „Jesus port’al mund la pasch“ ei stau il muossavia per la devoziun. Ils affons han, enten malegiar igl agen maun, zambergiau duront la devoziun da preparaziun ina columba dalla pasch. Suandar Jesus e purtar la pasch al concarstgaun enten segidar cun el, enten duvrrar leutier ils agens mauns, ei stau il patratg central dalla devoziun.

Las devoziuns pils affons vegnan preparadas da Corina Defuns, Regina Giger-Caminada, Irene Huonder e Corina Zanetti. Patrizia Cabernard ha bandunau la grupp suenter in grond engaschi dad in onn. In cordial engraziament ad ella per sia buna lavur e per sia amicabiledad.

Il cerchel social-caritativ

La menadra dil cerchel social-caritativ Laurenzia Schnoz rapporta:

In onn ei ius alla fin e nossas sentupadas ein stadas cuntenteivlas. Al lotto tradiziunal dil fevrer el hotel Sax han pliras personas priu part ed empruau lur cletg. Era al gentar communabel ein 32 personas stadas presentas. Ils amitgs digl jass e dallas troccas ein era uonn buca vegni alla cuorta.

Viadi cun nossas senioras e nos seniors

Il viadi a Pfäfers ei staus bials e 42 personas han priu part e nus havein gudiu in bi di en buna e legra cumpignia.

Viseta alla destillaria da vinars a Surrein

Ils 29 da settember han numerus participonts/as visitau la destillaria da vinars a Surrein. Cun buna luna, suenter in bien caffè e patissaria, ein tuts returnai saunamein a casa.

Gentar communabel per senioras e seniors

Il gentar communabel el center Aua viva ei daventaus tradiziun. Il cerchel social-caritativ cun la menadra Laurenzia Schnoz e sias gidontras organiseschan onn per onn quella biala occasiun beinpreparada. Biars e buns discuors, in bien gentar ed in star si legher

delecteschan in bi diember da participonts. Buns cuschiners, buna servitud e la buna organisaziun cuntentan in e scadin. Il bien menu, in bien glas vin sco era in bien dessert dattan forza a tgierp ed olma.

Quei cuort rapport duei dar a vus ina survesta sur dil curriu e passau. Ina ga dapli ei biara lavur vegnida prestada. Cun in pign diember da commembers essan nus sespruai d'ademplir plirs giavischs. Tut ei forsa buca gartegiau. Cun vies interess e sustegn, cun vossa participaziun als survetschs divins e devoziuns, sco era cun vies engaschi en favur dalla pleiv e baselgia, segireis vus ina cuntinuaziun dalla lavur dil cussegl pastoral. Per puder e saver ademplir aunc meglier nies pensum drova ei denton persunas ch'ei promptas da segidar cun nus. Bugen stein nus a disposiziun per damondas e nus fussen fetg engrazievvels d'astgar beneventar in ni l'auter en nies miez.

Vossa participaziun allas differentas occasiuns han legrau nus zun fetg. Quei dat curascha da cuntinuar culla lavur. Jeu engraziel a vus tuts cordialmein persunter. Bugen sperein nus vinavon che vus detties suatientscha a nossas invitaziuns. En num dalla gruppa dil cerchel social-caritativ giavischel jeu a vus tut mo il bien e selegrel d'astgar solidar vus tier ina ni l'autra occasiun.

Engraziament

Alla fin da miu rapport admittel jeu personalmein ed era en num dils commembers dil cussegl pastoral a nies plevon sur Alexi Manetsch in grond e resentiu engraziament per sia lavur en pastoraziun. Alla suprastonza dalla pleiv, alla secretaria Jris Lombris, allas calustras Agnes ed Ottilia in grond e sincer engraziament per la buna collaboraziun. A sora Giuanna Solèr, che viseta nos malsauns che selegran d'astgar retscheiver ina gada al meins la s.communiun, in special e sincer Dieus paghi. Era in grond engraziel a tut las persunas che s'engaschan e segidan en las differentas gruppas.

Igl ei bi da saver sefidar dils commembers dil cussegl pastoral che segidan cura ch'ei fa basegns. Ad els in tut special engraziament. Nua ch'ei regia ina buna collaboraziun vegn era prestau buna e cuntenteivla lavur.

Nies bien Diu gidi e protegi nus tuts. En quei senn giavischel jeu a vus tuts bia cletg, cuntentientscha e perseveranza.

Mustér, avrel 2012

Willi Lozza, vicepresidente

Rapport dalla caplania da Segnas

Il rapport annual ensemen culla radunonza generala ei la caschun per la suprastonza da dar plaid e fatg davart la lavur prestada en in onn. Biara lavur sespleiga el zuppau, bia caussas secapeschan era da sesez. Inagada dapli ha la suprastonza dalla pleiv envidau tuttas persunas ch'èin involucadas en pleiv entras ina lavur a tscheina. Ina roschada persunas vegnan ensemen ed aschia daventa nossa pleiv, silmeins dil persunal anora, ina dallas pli gronds fatschentas da nossa vischnaunca.

Era a Segnas s'engascha ina part da quei persunal nunstunclenteivlamein e senza ch'ìls biars percorschan. Realisar che las persunas ein cheu e lavuran fan ins tgunsch pèr lu cu lur lavur maunca. Savens eis ei lu memia tard d'exprimer in engraziament. Mo era per quei ei il rapport annual cheu: per menziunar ed engraziar a tut tgi che segida sin ina moda ni l'autra en pleiv.

Aschia vein nus igl onn 2011 stuiu prender cumiau gest da treis persunas ch'èin Astadas involucadas en nossa caplania. Ils 2 da mars ha il zenn grond annunziau la mort da Turtè Deflorin-Maissen. Aschiditg ch'ella ha pudiu ha ella embelliu il survetsch divin entras sia fideivla presenza. Il zenn grond a Mustér ha plinavon tuccau per il convischin Victor Durschei-Casanova. El ha cunzun pli baul adempli in bien survetsch ellas retschas dil chor baselgia. Ed ina tiarza gada ha la mort priu da nus in anteriur fideivel survient. Ils 31 d'uost ha pader Ambros astgau entrar el reginavel celestial. El ei staus duront dus onns nies premurau caplon ed ha dasperas tgunsch gidau cun plaid e cussegl pliras parochianas e plirs parochians.

Ils 28 d'uost ha anteriur monsignur uestg Amedée Grab visitau nossa caplania e festivau ensemen cun nus survetsch divin da perdanonza da s. Roc. Numerus ein separticipai alla fiasta ed han demussau lur simpatia pigl uestg, denton segir era per s. Roc. Ina tala viseta ei bein ina vera honur.

Igl onn 2011 ha la casa pervenda survegniui in niev tetg. Pèr il mument cu ins ha entschiet a discuvierer quel ei semussau ch'il stan era menders che previus. Ussa denton schurmegia ina nova cuvrida da ziaghels il baghetg ch'ei aschia prompts per ils proxims decennis.

En baselgia ei l'orgla per l'emprema gada buc vegnida accordada. Il motiv ei la biara puorla che sesanfla ellas e denter las fifas. Certas flautas ein uss schi mudergiadadas ch'ei drova urgent ina sanaziun ed in alzament digl entir accord per puspei saver intonar endretg igl instrument. Aunc auda tgunsch mo l'ureglia scolada las dissonanzas, denton sa quei spert semidar. Suenter 20 onns ei ina revisiun denton pli che necessaria.

El plan dils survetschs divins ha ei dau ina midada aschia che Segnas porscha la messa dalla davosa dumengia dil meins mintgamai gia la sonda sera. Il survetsch divin daventa sentupada d'oraziun per l'entira pleiv.

Jeu engraziel en num da parochianas e parochians a tuttas e tuts che segidan sin ina moda ni l'otra per il beinreussir en nossa caplania. En special a canoni sur Pius Venzin che s'engascha cun ses varga 80 onns aunc adina cumpleinamein per sias olmas, a Mathilda Lutz, sia casarina, a Barla e Mathias Jacomet sco era Heidi Durschei per lur lavur da caluster, a lecturas, ministrantas e ministrants, a consuprastontas e consuprastonts da caplania e pleiv, al chor baselgia, allas dunnas che repartan la communion, als generus sponsurs e donateurs, sco era a tuttas e tuts che fan sin ina moda ni l'otra dil bien a nossa caplania. Dieus vegli regalar in di la pagaglia persuerter! Da mia vart schazegiel jeu fetg quella lavur e sperel che era parochianas e parochians vesien quei tuttina – silmeins avon ch'igl ei memia tard.

Segnas, fevrer 2011
Gion Tenner, president



*Statua dil s. Cor da Jesus en
baselgia a Cavardiras*

Quen dalla baselgia parochiala s. Gions 2011

<i>Entradas</i>	<i>31.12.11</i>	<i>31.12.10</i>
unfrendas	20'080.95	18'276.00
donaziuns	1'000.00	500.00
contribuziun pleiv s.Gions	8'000.00	28'000.00
fondo messas fundadas	12'000.00	10'000.00
diever baselgia, concerts etc.	100.00	2'550.00
pagament segirada	998.70	9'518.00
contribuziun Vischnaunca Mustér	0.00	15'000.00
tscheins dretg alp Cristallina	350.00	350.00
vendita psalms	380.00	0.00
diversas entradas	810.10	4'817.80
restituziun taglia anticipada	735.00	850.85
tscheins capital	1'282.85	1'461.50
total entradas	45'737.60	91'324.15
<i>Expensas</i>		
sanaziun ura-baselgia	0.00	37'747.75
uorden per il survetsch divin	2'927.70	3'396.70
embelliment dalla baselgia (flurs, candeilas)	1'515.45	1'628.80
assicuranza da baghetgs	3'232.20	2'646.70
assicuranza digl inventar	4'927.45	4'434.10
assicuranza da responsabilidad	178.50	178.50
energia, scaldament, glisch	7'651.85	7'709.45
cudischs	731.90	1'442.00
publicaziuns Fegl official etc.	1'316.35	1'487.45
abonnements per man. d'apparaturas	306.85	1'301.30
divers quens da reparaturas e manteniment	13'869.90	7'688.35
diversas expensas	2'793.90	6'929.73
honorar ordinatur	1'275.00	1'200.00
viadi ministrants	850.00	0.00
contribuziun chor baselgia	2'000.00	2'000.00
taxas da rumians, canalisaziun, aua, segirada da fiug	1'954.20	1'949.10
spesas da banca, portos	109.00	134.35
total expensas	45'640.25	81'874.28
total entradas	45'737.60	91'324.15
total expensas	45'640.25	81'874.28
surpli entradas	97.35	9'449.87

Bilanza per ils 31 da december 2011

Activa			
conto da spargn nr. 11079.72			26'017.69
daner a termin nr. 11079.20/1000	1.125%	scadenza 18-03-2013	20'000.00
obligaziun da cassa nr. 11748	2.875%	scadenza 08-01-2013	40'000.00
obligaziun da cassa nr. 11813	1 ¼%	scadenza 20-01-2012	40'000.00
total activa ils 31-12-2011			126'017.69
moviment dalla facultad 2011			
facultad ils 31-12-2010			125'920.34
facultad ils 31-12-2011			126'017.69
augment dalla facultad per 2011			97.35

Mustér, ils 12 da schaner 2012
Claudius Berther, ugau-baselgia

Quen dalla pervenda da s. Gions per 2011

<i>Expensas</i>	<i>31.12.11</i>	<i>31.12.10</i>
Salaris pleiv Mustér	226'414.95	219'193.35
salaris augsegners	49'598.45	49'273.50
salaris persunal gidonter	69'315.80	71'333.40
substituziuns	11'415.20	8'624.00
ductrina	65'222.15	59'360.70
giuventetgna Cadi	9'837.10	9'837.10
SVS assicuranza sociala	8'510.35	9'159.65
indemnisaziun suprastonza	10'700.00	9'519.80
segiradas d'accident	1'815.90	2'085.20
Contribuziuns	26'977.00	25'800.00
diversas contribuziuns	622.00	100.00
baselgia S.Gions	8'000.00	8'000.00
baselgia catolica cantunala	1'000.00	1'000.00
caplutta S.Clau M.Tujetsch	10'000.00	10'000.00
cussegl pastoral	4'000.00	4'000.00
instituziuns culturalas	3'355.00	2'700.00
Casa pervenda/schischom	15'497.10	9'039.70
manteniment	10'287.30	399.40
mobilier ed indrez	280.70	2'215.50
taxas annualas	1'532.25	1'547.20
manteniment indrez	1'580.60	1'919.35
electricidad casa perv.veglia	198.95	80.70
jeli casa pervenda	-	1'315.35
segiradas	753.80	732.85
segiradas casa pervenda veglia	816.75	793.00
segiradas schischom	46.75	36.35
Caplania Segnas	60'067.60	88'228.90
salaris augsegner	19'999.80	19'999.80
salaris persunal gidonter	30'714.60	30'834.60
taxas annualas	663.20	658.75
SVS assicuranza sociala	826.20	827.95
segiradas d'accident	257.75	228.40
segiradas	612.90	679.40
manteniment casa pervenda	6'993.15	35'000.00
Caplania Cavardiras	4'450.65	
salaris augsegners	-5'054.00	
salaris persunal gidonter	6'345.20	
taxas annualas	530.95	

SVS assicuranza sociala	66.45	
segiradas d'accident	18.45	
manteniment casa pervenda	2'543.60	
Diversa	24'665.01	9'236.05
material da biro	459.45	414.60
apparaturas da biro	286.80	-
indrez da fotocopiar	2'097.40	
access internet	1'064.60	
spesas da banca	314.40	278.00
spesas suprastonza	803.60	1'316.90
telefon	540.30	2'199.15
francaturas, porto	400.00	
divers schenghetgs	2'216.65	
donaziuns, almosnas	250.00	
rapport annual	1'780.90	2'787.10
archiv	1'251.75	1'263.25
radunonza gererala	1'953.65	270.00
diversas expensas	1'245.51	707.05
amortisaziuns	10'000.00	
total expensas	358'072.31	351'498.00
<i>Entradas</i>		
Taglias / contribuziuns	340'852.80	341'858.95
taglia pleiv	333'352.80	334'358.95
vischnaunca/ductrina	7'500.00	7'500.00
Tscheins	18'328.43	13'011.75
tscheins activs	2'062.63	2'813.75
tscheins casa pervenda	9'600.00	9'600.00
tscheins casa pervenda Cavardiras	2'000.00	
tscheins schischom	638.00	598.00
tscheins parcadis Sut-Gliendas	3'900.00	
diversas entradas	127.80	
total entradas	359'181.23	354'870.70
Total expensas	358'072.31	351'498.00
Total entradas	359'181.23	354'870.70
Surpli entradas	1'108.92	3'372.70

Mustér, ils 17 da schaner 2012
Willi Lozza, ugau-pervenda

Bilanza dils 31 da december 2011

Activas	<i>31.12.11</i>	<i>31.12.10</i>
total mieds finanzials	480'921.97	361'932.65
contocurrents	16'472.27	10'490.55
contos da spargn	207'234.20	247'699.30
daner a termin	250'000.00	100'000.00
assegn Banca Raiffeisen	200.00	200.00
taglia anticipada	531.60	706.65
activas transitoricas	6'483.90	2'836.15
total mieds administrativs	58'337.35	67'461.25
casa pervenda	1.00	1.00
casa pervenda veglia	1.00	1.00
casa pervenda Segnas	1.00	1.00
casa pervenda Cavardiras	1.00	
schischom Dulezi	1.00	1.00
schischom e clavau Acla da Fontauna	1.00	1.00
schischom Sontget	58'331.35	67'456.25
total activas	539'259.32	429'393.90
Passivas		
total capital jester	1'685.00	36'500.00
passivas transitoricas	1'685.00	36'500.00
total capital agen	536'465.40	392'893.90
capital agen	536'465.40	389'521.20
gudogn	1'108.92	3'372.70
total passivas	539'259.32	429'393.90

Mustér, ils 17 da schaner 2012

Willi Lozza, ugau-pervenda

Quen dalla baselgia S. Antoni Cavardiras 2011

Entradas	<i>31.12.2011</i>
unfrendas	1'732.20
candeilas	2'343.30
tscheins activs	2'795.95
total entradas	6'871.45
Expensas	
energia, scaldament, glisch	3'784.80
assicuranzas	2'670.50
taxas annualas; aua, rumians	418.75
candeilas, devoziunalias	330.80
spesas da banca	16.40
manteniment tuchiez	50.00
manteniment baselgia	974.95
manteniment paramenta	422.50
ornaziun baselgia	828.85
diversas expensas	1'006.70
festividad da Sogn Antoni	660.30
total expensas	11'164.55
Total entradas	6'871.45
Total expensas	11'164.55
surpli expensas	4'293.10

Bilanza per ils 31 da december 2011

Activas

contocorrent	2'234.85
conto da commembers	169'423.30
daner da termin	60'000.00
assegn banca Raiffeisen	200.00
debitur taglia anticipada	603.15
Total activas	232'461.30

Passivas

capital agen	236'754.40
sperdita	-4'293.10
Total passivas	232'461.30

Facultad e deivets dils fondos da baselgias e capluttas

	<i>31-12-2010</i>	<i>31-12-2011</i>
Baselgia parochiala s. Gion Battesta		
ugau: Claudius Berther		
fondo baselgia s. Gions	125'920.34	126'017.69
fondo messas fundadas s. Gions	273'652.35	269'540.80
Baselgia s. Placi		
ugau: Claudius Berther		
fondo baselgia s. Placi	27'809.71	27'845.66
Baselgia s. Gada		
ugau: Claudius Berther		
fondo baselgia s. Gada	302'776.46	308'174.91
Baselgia da Nossadunna, Acletta		
ugau: Corsin Maissen		
fondo baselgia	43'171.75	44'125.90
Baselgia s. Bistgaun e s. Roc, Segnas		
ugadessa: Letizia Duff-Sac		
fondo baselgia	57'668.65	61'071.55
fondo messas fundadas	115'683.75	116'740.50
Caplutta Sontgaclau, Mumpé Tujetsch		
ugau: Manetsch Sigisbert		
fondo caplutta	16'911.10	19'542.80
deivet restont	30'000.00	20'000.00
Caplutta s. Valentin, Mumpé Medel		
ugau: Baseli Jacomet		
fondo caplutta	23'740.25	23'820.45
Caplutta s. Antieni, Pardomat		
ugau: Christian Duff		
fondo caplutta	18'109.55	18'006.35

Caplutta s. Leci, Disla

Ugau: Max Deplazes

fondo caplutta

9'312.06

8'289.56

Caplutta s. Giachen, Cuoz

Ugau: Adrian Deflorin

fondo caplutta

41'129.10

40'765.30

Baselgia s. Antoni, Cavardiras

Ugau: Willi Lozza a.i.

fondo baselgia

236'754.40

232'461.30

fondo messas fundadas

47'005.35

47'907.95



Abdicau suenter meriteivla e nunstunclenteivla lavur per la pleiv: Sabina Manetsch, Francestg Cajacob, Laurenzia Cajacob, Margreta Desax e sora Beatrice Desax.

Rapport dils revisurs

Ils sutsignai revisurs han, tenor incarica digl artechel 28 dalla constituziun dalla Pleiv sogn Gions, revediu ils quens ed il menaschi financial dalla pervenda, dalla baselgia parochiala e dallas capluttas dalla pleiv. Ella seduta dils 17 da fevrer 2012 ein quels vegni presentai e revedi.

Per mauns dalla radunonza generala dein nus revisurs il suandont rapport:

1. Las cudischaziuns ein accumuladas dils mussaments necessaris.
2. Ils saldis da cassa, schec postal e conto da banca corrispundan culs attests mussai ora.
3. Las vaglias cudischadas ein avon maun.
4. Las expensas ein fatgas tenor conclus dalla radunonza generala sin fundament dils preventivs. Las ulteriuras expensas ein vegnidas decididas dalla suprastonza tenor las cumpetenzas dalla constituziun.

Nus fagein alla radunonza generala las suandontas propostas:

- a) D'approbar bilanza e quen administrativ per ils 31 da december 2011 dalla pervenda, dalla baselgia parochiala s. Gions, dalla caplania Cavardiras e dallas capluttas tenor las cefras presentadas.
- b) Da dar scarica alla suprastonza ed als funcziunaris.
- c) D'exprimer in meritau engraziament alla suprastonza, als augsegners ed a tuts ugaus per lur nunstunclenteivel engaschament.

Mustér, ils 17 da fevrer 2012

Ils revisurs : Catrina Berther e Roger Sac

Preventiv dalla baselgia parochiala s. Gions per 2012

Entradas

unfrendas	18'000.00
contribuziun Pleiv sogn Gions	8'000.00
fondo messas fundadas	10'000.00
tscheins da capital	900.00
restituziun taglia anticipada	600.00
tscheins dretg alp Cristallina	300.00
total entradas	37'800.00

Expensas

uorden per il survetsch divin	3'000.00
embelliment dalla baselgia parochiala	2'000.00
assicuranza da baghetgs/inventar/responsabilidad	7'800.00
energia, scaldament, glisch	7'700.00
publicaziuns, cudischs	2'000.00
abonnaments per manteniment d'apparaturas	1'200.00
honorar ordinaturs	1'400.00
contribuziun chor baselgia	2'000.00
taxas da rumien/canalisaziun/aua/fiug	2'000.00
reparaturas e manteniment	6'000.00
diversas expensas	2'000.00
total expensas	37'100.00

total entradas 2012	37'800.00
total expensas 2012	37'100.00
surpli entradas 2012	700.00

Mustér, ils 7 da schaner 2012
Claudius Berther, ugau-baselgia

Preventiv dalla pervenda da s. Gions per 2012

Expensas

Salaris pleiv Mustér	226'150.00
salaris augsegners	50'000.00
salaris persunal gidonter	71'650.00
substituziuns, almosnas e donaziuns	8'000.00
giuventetgna CADI	10'000.00
contribuziun per ductrina	62'000.00
contribuziun SVS	9'500.00
indemisaziun suprastonza	11'000.00
segiradas d'accident e malsogna	4'000.00
Contribuziuns	26'500.00
diversas contribuziuns	1'000.00
baselgia S.Gions	8'000.00
caplutta S.Clau M.Tujetsch	10'000.00
baselgia catolica cantunala	1'000.00
contribuziun al cussegl pastoral	4'000.00
contribuziun campinos	2'500.00
Casa pervenda/schischom	11'500.00
manteniment casas pervendas	5'000.00
manteniment indrez casas pervenda	1'000.00
segiradas, diversas taxas casa pervenda	2'000.00
segiradas, diversas taxas casa pervenda veglia	1'000.00
divers cuosts da schischom	500.00
ieli casa pervenda	2'000.00
Caplania Segnas	57'400.00
salaris caplania Segnas	20'000.00
salaris persunal gidonter	31'900.00
assicuranzas, diversas taxas annualas	1'500.00
contribuziun SVS	1'000.00
segirada d'accident e malsogna	1'000.00
manteniment casa pervenda	2'000.00

Caplania Cavardiras	21'050.00
spirituals	4'000.00
salaris personal gidonter	10'200.00
assicuranzas, diversas taxas annualas	550.00
contribuziun SVS	1'000.00
segirada d'accident e malsogna	300.00
manteniment casa pervenda	5'000.00

Diversa	11'500.00
material da biro	500.00
spesas da banca	500.00
spesas da porto, telefon e stampader	5'000.00
cuosts da publicaziun	2'000.00
archiv	1'000.00
radunonza generala	1'500.00
diversas expensas	1'000.00
total expensas	354'100.00

Entradas

taglias / contribuziuns	338'700.00
taglia pleiv	330'000.00
vischnaunca/ductrina	7'500.00
pleiv Medel per ductrina	1'200.00

tscheins	18'700.00
tscheins activs	2'500.00
tscheins casas pervenda	14'400.00
tscheins schischom	600.00
tscheins parcadis Sut-Gliendas	1'200.00
total entradas	357'400.00

total entradas per 2012	357'400.00
total expensas per 2012	354'100.00
surpli entradas per 2012	3'300.00

Mustér, ils 12 da schaner 2012
Willi Lozza, ugau-pervenda

Fixaziun dil pei da taglia per 2013

La suprastanza dalla Pleiv sogn Gions ed ils revisurs da quen proponan alla radunonza generala dalla Pleiv sogn Gions/Mustér da fixar il pei da taglia sco suonda:

Per igl onn 2013 duei il pei da taglia restar sco per 2012 sin 12 % digl importo dalla taglia sempla dil cantun.

www.disentis.ch/pleiv

Gia dapi plirs onns ei la Pleiv sogn Gions era presenta egl internet. Sper ina vasta collecziun da texts historics anfleis Vus dapi il november vargau leu era igl urari dallas messas, las annunzias da mort, sco ulteriuras informaziuns davart nossa pleiv.

Ufficials dalla pleiv sogn Gions

1. Suprastonza dalla Pleiv sogn Gions/Mustér:

Maissen-Desax Linus, president
Manetsch Alexi, plevon (ex off.)
vacant, president/a dil cussegl pastoral
Berther Claudius, ugau-baselgia
Lozza Willi, ugau-pervenda
Lombris Jris, actuaara e vicepresidenta
Tenner Gion, president dalla caplania Segnas

2. Revisurs da quen:

Berther Catrina
Sac Roger

3. Suprastonza dalla caplania Segnas:

Tenner Gion, president
Venzin Pius, caplon (ex off.)
Duff-Sac Letizia, ugau-baselgia
Loretz-Huonder Alberta, actuaara
Monn Linus, ugau-pervenda
Berther Claudius, revisur da quen
Deflorin Adrian, revisur da quen

4. Suprastonza dalla caplania Cavardiras: *(tochen ils 30-9-2011)*

Labàs Christina, presidenta
Sabbadini Giovanni, ugau-baselgia
Hess Eveline, ugau-pervenda
Schuoler Alexa, revisura da quen
Schmed Adolf, revisur da quen

5. Ugaus caplutta:

Sontga Gada	Berther Claudius
Sogn Placi	Berther Claudius
Acletta	Maissen Corsin
Mumpé Tujetsch	Manetsch Sigisbert
Cuoz	Deflorin Adrian
Mumpé Medel	Jacommet Baseli
Perdomat	Duff Christian
Madernal	Claustra Mustér
Disla	Deplazes Max
Sontga Catrina	Condrau Pius

6. Commembers dil cussegl pastoral dalla Pleiv sogn Gions:

1. Comite


Manetsch Alexi, plevon
Lozza Willi, vicepresidente
Deflorin Marie Luise, cassiera
Schnoz Laurenzia, assessura

2. Cerchel liturgic

Buschor Josef
Caduff-Kneidinger Giusep
Casanova Ermelinda
Duff Giusep

3. Cerchel social-caritativ

Schnoz Laurenzia, menadra
Deflorin Marie Luise



**CONSTITUZIUN
PLEIV S. GIONS MUSTÉR**

I. Determinaziuns generalas

artechel 1

¹ Sefundond sin artechel 98 dalla constituziun cantunala e sin la *intenziun* constituziun dalla baselgia catolica dil cantun Grischun exista a Mustér ina pleiv roman-catolica. La pleiv ei ina corporaziun dil dretg public. Ses cunfins securaclan cun quels dalla vischnaunca politica da Mustér.

² La formulaziun masculina dallas personas e dils organs vala era per las personas femininas.

artechel 2

¹ Commembers dalla pleiv ein, senza differenza da naziunalitad e dil dretg da burgheis, tuttas personas da confessiun roman-catolica che habiteschan a Mustér. Ils conventuals dalla claustra appartegnan tenor dretg canonic buca alla pleiv el senn ecclesiastic, ein denton commembers dalla pleiv el senn d'artechel 19 al. 2 dalla constituziun dalla Baselia catolica dil Grischun.

² L'extrada dalla pleiv vegn renconuschida mo sin fundament d'ina declaronza en scret davart l'extrada ord la Baselia catolica. Ella dispensescha dallas obligaziuns finanziales suenter la damonda approbada dalla suprastonza. Per igl onn current da taglia ei mo da pagar taglia pro rata temporis.

artechel 3

¹ La pleiv promova il contact denter ils commembers e sustegn en collaboraziun cun il plevon la veta religiosa e morala.

² Ella procura per ils mieds necessaris dalla pastoraziun e protegia la libertad digl operar pastoral.

³ Ella risguarda ils basegns specials dils hosps, dil personal stagiunari e dils luvriers jasters.

⁴ Ella promova vicendeivlamein relaziuns cun buca catolics e gida a sligiar pensums generals el spért ecumen.

artechel 4

petiziun Scadin commember dalla pleiv sa inoltrar propostas, petiziuns e reclamaziuns che pertuccan damondas specialas ni generalas dalla pleiv. Quellas ston vegnir fatgas a scret per mauns dalla suprastonza. La suprastonza ei obligada da prender posiziun a scret ni a bucca viers quellas.

artechel 5

iniziativa Propostas a scret alla radunonza dalla pleiv ein d'inoltrar cun ina cuorta motivaziun alla suprastonza. Ellas ston esser suttascrettas da silmeins 30 votants. La suprastonza ei obligada da suttametter ina tala iniziativa enteifer sis meins alla radunonza dalla pleiv e quei ensemen cun sia posiziun ni eventualamein cun ina cunterproposta.

artechel 6

moziun Scadin votant ha il dretg da far propostas a caschun da radunonzas dalla pleiv era partenent fatschentas e caussas ch'ein buca publicadas sin la gliesta da tractandas. Vegn ina tala proposta acceptada dalla radunonza sco moziun sto la suprastonza suttametter rapport e proposta alla proxima radunonza.

artechel 7

interpellaziun A caschun d'ina radunonza dalla pleiv sa scadin pretender sclariment dalla suprastonza pertuccont situaziun ni liquidaziun d'ina fatschenta. Quella sto star en connex cun las tractandas publicadas. La suprastonza sa dar risposta sco suonda:
a) immediat
b) a scret el fegl ufficial
c) a bucca, a caschun dalla proxima radunonza dalla pleiv

artechel 8

dretg da votar e d'eleger Il dretg da votar e d'eleger possedan tuts umens e dunnas catolics suenter haver cumplenu la vegliadetgna prescretta ella constituziun dalla Baseligia catolica dil Grischun ed aschilunsch ch'els han il dretg da burgheis svizzer e dimora en la pleiv ed ein cheu sesents dapi treis meins. Persunas jastras possedan medems dretgs sco ils indigens aschilunsch ch'els ein en posses d'ina lubientscha da dimora.

artechel 9

Scadin commember dalla pleiv cul dretg da votar sa vegnir elegius en *eligibladad* in uffeci ni ina cumissiun.

artechel 10

Parents e quina en lingia directa, conjugals e fargliuns astgan buc *exclusiun* appartener el medem temps al medem organ dalla pleiv.

artechel 11

In commember d'in organ dalla pleiv, d'ina cumissiun ni dalla *recusaziun* radunonza ei obligaus da prender stgisa tier votaziuns e tractandas sch'ina fatschenta pertucca el sez ni sch'in da ses parents tochen el grad menziunau egl artechel 10 ha in interess persunal direct en caussa. En cass da contestaziun decida igl organ pertuccau, en assenza digl interessau, schebein ils motivs da prender stgisa ein obligonts.

II. Determinaziuns organisatorias

artechel 12

organs dalla pleiv ¹ Ils organs dalla pleiv ein:

1. La radunonza generala
2. Il cussegl dalla pleiv
3. La suprastonza
4. Ils revisurs da quen

² Il cussegl pastoral dalla pleiv ei in organ ecclesiastic. Sia funcziun, sias cumpetenzas e cumposiziun vegnan definadas en in regulativ separau.

1. La radunonza generala

artechel 13

organ suprem La radunonza generala ei igl organ suprem dalla pleiv. Ella cumpeggia ils commembers cun dretg da votar.

artechel 14

cumpetenzas dalla radunonza generala La radunonza generala ha surtut las suandontas cumpetenzas:

- a) elecziun dil plevon enteifer las prescripziuns ecclesiasticas
- b) elecziun dil president dalla pleiv e dalla suprastonza per treis onns
- c) elecziun da dus revisurs da quen per 3 onns
- d) relasch e midadas dalla constituiziun, dalla lescha da taglia sco era dad auters uordens obligonts
- e) approbaziun dil quen annual, dil preventiv e fixaziun dil pei da taglia per la pleiv S.Gions
- f) conclus davart expensas che survargan la cumpetenzas dalla suprastonza
- g) vender, brattar, impegnar beins immobiliars
- h) decisiuns sur damondas resalvadas expressivamein alla radunonza

ni che vegnan suttamessas ad ella

- i) elecziun dil cussegl pastoral
- j) approvaziun dils regulativs d'indemnisaziun

artechel 15

La radunonza generala ha liug mintg'onn el decuors dalla primavera. *convocaziun dalla radunonza generala*
La convocaziun ei da far silmeins 10 dis avon entras publicaziun el fegl official. Radunonzas extraordinarias vegnan convocadas sin givisch da silmeins 30 commembers ni sche la suprastonza anfla ei per opportun.

artechel 16

La radunonza generala sa prender conclus valeivels sch'ella ei convocada el senn da questa constituiziun. *conclus dalla radunonza generala*

Tuttas tractandas ein da predeliberar entras la suprastonza u el cussegl dalla pleiv. Tractandas che vegnan proponidas pér a caschun dalla radunonza vegnan surdadas alla suprastonza per l'examinaziun preliminar. Ina excepziun ei lubida mo cun risguard da fatschentas urgentas, e quei entras decisiun d'ina maioritad da duas tiazas dils votants presents.

Per regla vegn ei decidiu cun tscharna, nun ch'in votant pretenda scrutini. Tier tuts conclus ei la maioritad absoluta dallas vuschs valeivlas neccessaria. Ein las vuschs ulivas decida il president. Tier elecziuns vala ella secunda tscharna/scrutini il relativ pli. Ein las vuschs ulivas decida la sort.

2. Il Cussegl dalla pleiv

artechel 17

Il Cussegl dalla pleiv consista:

cumposiziun dil cussegl dalla pleiv

- a) dalla suprastonza dalla pleiv
- b) dils ugaus-baselgia: Cavardiras e Segnas

- c) dils ugaus-caplutta: Aletta, Cuoz, Disla, Mumpé-Tujetsch, Mumpé-Medel e Pardomat
- d) d'in representant dalla Claustra.

artechel 18

*convocaziun dil cussegl
dalla pleiv*

La suprastonza dalla pleiv convochescha il cussegl dalla pleiv inagada ad onn ni tenor basegns.

Il president dalla pleiv tgamuna las radunonzas.

artechel 19

*cumpetenzas dil cussegl
dalla pleiv*

Il cussegl dalla pleiv ha las suandontas incumbensas:

1. ponderar ordavon eventualas tractandas che vegnan suttamessas davart dalla suprastonza alla radunonza generala dalla pleiv
2. tractar e decretar las reparaturas necessarias e renovaziuns da baselgias, capluttas e baghetgs en posses dalla pleiv
3. tractar fatschentas che pertuccan ils ugaus-baselgia ed ugaus-caplutta

3. La suprastonza

artechel 20

*cumposiziun dalla
suprastonza*

¹ La suprastonza ei igl organ executoric ed administrativ dalla pleiv sco era organ dil Corpus Catholicum.

Ella consista da:

- a) president
- b) actuar/vicepresident
- c) plevon (ex officio)
- d) president dil cussegl pastoral
- e) ugau-pervenda
- f) ugau-baselgia S. Gions
- g) ugau-baselgia Segnas
- h) ugau-baselgia Cavardiras

²La suprastonza vegn elegida entras la radunonza generala. President

ed ugau-baselgia S. Gions astgan buca curdar il medem onn en elecziun cun il vicepresidente/actuar ed ugau-pervenda.

artechel 21

Las obligaziuns e cumpetenzas ein:

*obligaziuns e
cumpetenzas dalla
suprastonza*

- a) representar la pleiv enviers autoritads ecclesiasticas, cantunalas e communalas
- b) preparar las fatschentas per mauns dalla radunonza ed exequir ils conclus
- c) survegilar l'administraziun e preparar il preventiv dalla pleiv S. Gions
- d) concluder sur d'expensas unicas entochen frs. 30'000.00 netto ed entochen frs. 15'000.00 netto expensas che serepetan onn per onn
- e) menar process, recuors, serrar contracts e convenziuns risguardond litera d. Ei stat liber alla suprastonza da suttametter la damonda alla radunonza generala
- f) fixar la paga dil plevon cun risguardar las directivas dil Corpus Catholicum e firmar il contract
- g) survegilar las extradadas ed entradas da commembers cun comunicar agl uffeci da taglia
- h) cooperar tier l'execuziun dallas leschas, uordens e conclus
- i) eleger ils calusters, ils organists, ils dirigents, igl archivar ed ils gidonters necessaris tenor basegns. Ils chors-baselgia han il dretg da proponer ils organists e dirigents
- j) liquidar tuttas fatschentas che stattan buca en cumpetenzas dalla radunonza ni d'ina outra instanza
- k) la suttascripziun legalmein valeivla per la pleiv S. Gions cumpeta al president ensemen cul vicepresidente/actuar ni en cass d'impediment al vicepresidente/actuar ensemen cugl ugau-pervenda.

artechel 22

president Il president convochescha las radunonzas generalas e dalla suprastanza ed empeila quellas. El representa la pleiv anoviars. En cass d'impediment vegn el substituius entras il vicepresident.

artechel 23

vicepresident/actuar Igl actuar scriva il protocol dallas radunonzas generalas, dil cussegli dalla pleiv e dallas sesidas dalla suprastanza. Il protocol ei da presentar alla proxima radunonza e sesida. Igl actuar suttascriva ils conclus ensemen cun il president. Sco vicepresident substituescha el il president.

artechel 24

ugau-pervenda Igl ugau-pervenda administrescha ils beins dall'entira pleiv S. Gions, ils capitals, ils beins schischents ed incassescha ils tscheins. Tutta salarisaziuns vegnan liquidadas entras el. El ha quitau dil manteniment dils baghetgs dallas casas pervenda, clavaus etc. sco era dils dretgs dils beins schischents sina quei ch'ei neschi buca sin quels novas servituds e grevezias. El dat giu quen ina ga per onn.

artechel 25

ugau-baselgia Igl ugau-baselgia administrescha la facultad dalla baselgia parochiala S. Gions, dallas baselgias da S. Placi e S. Gada, e quei separadamein ina da l'autra, sco era las donaziuns en favur da quellas. Plinavon administrescha el il fondo dallas messas fundadas che sto vegnir tenius dapersei dall'ulteriura facultad ed ils fondos dallas fundaziuns. El procura il necessari per quellas baselgias e per il survetsch divin en entelgientscha cul plevon. El ha quitau per il manteniment dallas baselgias. El paga ils quens currents e dat giu quen ina ga per onn.

artechel 26

delegaziun La suprastanza sa delegar pensums al president, a singuls commembers ni ad ina cumissiun per liquidaziun. Davart il resultat han ils incumbensai da rapportar alla suprastanza.

artechel 27

La suprastanza serimna sin invitaziun dil president aschi savens che *uorden da fatschenta* las fatschentas damondan ni sin giavisch da treis commembers. Ella sa concluder valeivlamein sche silmeins 3 commembers ein presents. Conclus vegnan pri cun il relativ pli dallas vuschs valeivlas. En cass da paritad decida tier votaziuns il president, tier elecziuns la sort. Conclus sin via da circulara ein valeivels mo en cass d'unanimitad.

4. Ils revisurs da quen

artechel 28

La cumissiun da revisiun secumpona da 2 commembers. Ella *competenza dils revisurs da quen* seconstituescha sesezza. Ils revisurs examineschan annualmein ils quens ed il menaschi finanziel dalla pleiv S. Gions aschilunsch sco tal stat en connex cun l'administraziun dalla facultad. Els rendan rapport e fan propostas en scret alla radunonza generala. Els examineschan annualmein era ils quens ed il menaschi dallas baselgias Cavardiras e Segnas e da tuttas capluttas e fundaziuns dalla pleiv S. Gions

III. Baselgias Cavardiras e Segnas

artechel 29

*administraziun dallas
baselgias Cavardiras e
Segnas*

¹ Las baselgias Sogn Antoni da Cavardiras e Sogn Bistgaun e Sogn Roc da Segnas ein proprietad dalla respectiva fundaziun ecclesiastica. Ellas vegnan administradas eifer las disposiziuns dalla pleiv. Ils ugaus-baselgia vegnan elegi mintgamai per 3 onns dalla radunonza generala cun risguardar sche pusseivel persunas ord ils vischinadis. Els han da serrar quen culs 31 da december e schar reveder tals tenor artechel 28.

² Ils ugaus-baselgia da Cavardiras e da Segnas administreschan las donaziuns ed unfrendas. Els dattan giu quen inagada per onn a caschun dalla radunonza generala dalla pleiv S. Gions. Ils quens vegnan ordavon presentai alla suprastonza dalla pleiv S. Gions. Ils ugaus-baselgia procuran il necessari per la baselgia e per il survetsch divin en entelgientscha cul plevon.

IV. Capluttas: Aletta, Cuoz, Disla, Mumpé-Medel, Mumpé-Tujetsch e Pardomat

artechel 30

*administraziun dallas
capluttas*

Las capluttas ein proprietad dalla respectiva fundaziun ecclesiastica. Ellas vegnan administradas eifer las disposiziuns dalla pleiv. Ils ugaus-caplutta vegnan elegi mintgamai per 3 onns dalla suprastonza. Els han da serrar quen culs 31 da december e schar reveder tals tenor artechel 28. Els procuran il necessari per las capluttas e per il survetsch divin en entelgientscha cul plevon.

V. Ordinaziuns finanzialas

artechel 31

La suprastanza procura per ina buna administraziun dil menaschi *administraziun dalla pleiv*. Il quen da menaschi ei da serrar mintgamai ils 31 da *facultad* december.

artechel 32

Per cuvierer las expensas currentas dalla pleiv e sia administraziun *taglia da pleiv* incassescha la pleiv ina taglia sin entrada e facultad. Aschia ein tuttas persunas ch'ein commembras dalla baselgia catolica e ch'ein registradas sco pagataglia ella vischnaunca da Mustér obligadas da prestar la taglia da cultus alla pleiv S. Gions da Mustér.

artechel 33

La taglia vegn applicada per:

- a) expensas dalla pastoraziun e dil cultus;
- b) l'erecziun ed il manteniment d'objects (baselgias, capluttas e baghetgs) che surveschan alla pleiv;
- c) augmentaziun dalla facultad dalla pleiv;
- d) auters interess dalla pleiv.

diever dalla taglia da pleiv

artechel 34

Per vender, brattar ni impegnar beins da fondos ecclesiastics inclus *approbaziun episcopala* objects da cultus e d'art, per cumprar schischom e prender imprests sco era per baghegiar e renovar baghetgs drova ei l'approbaziun digl ordinariat episcopal.

VI. Recuors

artechel 35

dretg da recuors Encunter conclus e decrets dalla suprastonza dalla pleiv, dil cussegl dalla pleiv e dalla radunonza generala sa vegnir recurriu enteifer 20 dis tier la cumissiun dil Corpus Catholicum tenor artechel 25 ss dalla constituziun cantunala dalla baselgia roman-catolica dil cantun Grischun.

VII. Determinaziuns finalas

artechel 36

revisiun dalla constituziun Questa constituziun sa da tut temps vegnir revedida parzialmein ni totalmein. Leutier ei l'approbaziun dalla cumissiun administrativa dil Corpus Catholicum necessaria.

artechel 37

entrada en vigur Questa constituziun passa en vigur cun l'approbaziun entras la radunonza generala e dalla cumissiun administrativa dil Corpus Catholicum. Cheutras vegnan tuttas disposiziuns existentas che cunterfan a questa constituziun messas ord vigur. Aschia concludiu entras la radunonza generala dils 00 d'avrel 2012.

Per la pleiv S. Gions Mustér

il president: Linus Maissen

l'actua: Jris Lombris

Approbau dalla cumissiun administrativa dil Corpus Catholicum:

7000 Cuera, ils 00 da schaner 2012

il president: _____

igl actuar: _____

P.P.

7180 Disentis/Mustér